




Aa. ~~XVIII~~. 4.







C A R M E N
IN
CORONAMENTUM TURRIS
CURIAE
TESCHINENSIS,

QUOD Ima SEPTEMBRIS MDCCC.

SOLENNITER CELEBRATUM EST

Leopoldo

A B

Scherfchinius,

aut^ror

IGNATIO EKHEL,

obulit.

CAESAREO-REGIAE TEUTONICAE SCHOLAE DIRECTORE

TESCHINII.



O L O M U C I I,

CHARACTERIBUS ANTONII ALEXII SKARNICZL.

1801.

sz 6548
sz Aa III, 4

SERENISSIMO PRINCIPI
DOMINO DOMINO
ALBERTO,
REGIO PRINCIPI POLONIAE,
ET
LITHUANIAE
DUCI SAXONIAE, &c.
PRINCIPI TESCHINENSI
SUO CLEMENTISSIMO PRINCIPI, ET DOMINO,

ДОМІНО ДОМІНО

ЯЩІЛЯ

ДОМІНО ДОМІНО

ДАЙНАРІЯ

ДОМІНО ДОМІНО

ДАЙНАРІЯ ДАЙНАРІЯ

ДОМІНО ДОМІНО

Serenissime Princeps !

*Hanc priuati mei studii elacubrationem publici iuris facere,
amicorum fuit sententia; quod autem sub Tuis auspiciis Sere-
nissime Princeps ! in lucem prodeat: meae est, Et Vrbis Teschi-
nen sis humillimae deuotionis; denique Tuae est erga hanc cle-
mentiae, quam Tu plus quam regia munificentia, sauore in
miseros incomparabili, et gratia immortali e cineribus resusci-
tasti, erexisti, ornavisti. Dignum igitur est: ut debitae ob-
seruantiae, et deuinctissimae nostrae gratitudinis argumentum
liquidissimo fidelitatis sensu orbi palam fiat, et nomen Magni,
Pii, et Principum Nobilissimi Ducis ALBERTI, Teschi-
nen sum clementissimi patris ad seram usque posteritatem, ut
ut paucis his pagellis, deueniat. Parum siquidem est in ho-
minum memoria durabile: si eam non prohibent consenescere*

annullo libro & annullo capitulo

l. d. 11. auct. angl.

scriptorum documenta. Hoc orientis domitor Alexander,
Caesar, Aurelius, et centum alii, veterum principum maxi-
mi sensere; nec aliam nominis sui immortalitatem p^raestola-
bantur: quam quae e scriptorum vera fide promanatura esset.

Suscipe ergo Regie Princeps exiguum hoc munusculum
ea clementia: quam patria nostra saepe numero experta ve-
neratur, subditi vero Tui adorant, et aeternum adorabunt;
nec ambige parvulum hoc opus documentum esse fidelitatis,
amoris, et pietatis Tuorum Teschinensium, quod Tibi vedi-
gale sifit.

Regiae Tuae Celsitudinis

obsequentissimus, & fidelissimus
Ignatius Ekhel.

Lectori Salutem!

Venustum vatem recte sensisse, dum pronunciauit:

Hoc tibi dictum

Tolle memor: certis medium, et tolerabile rebus

Recte concedi; ast mediocribus esse poetis,

Non homines, non DI, non concessere columnae;

nemo erit: qui in dubium reuocet. Hinc quid mirum? si et ego,
qui in palaestra litteraria iam dudum rude donatus sum, tam seuero
magni huius viri praecepto perculsus animum despundi cum exiguo
meo hoc litterario foetu in publicum prodeundi. Fuere mihi tamen
amici: quibus sensus immobilis, et firma stetit sententia, ut versiculi
hi publici iuris fierent: verum non mihi. Quis enim non perspec-
tum habeat: quam res sit ardua, quam plena periculi, publicum suffra-
gium promereri. Sed non desitare hi renuentem vrgere, rationibus
impugnare, quin pusillanimitatis arguere. Dedi igitur vietas manus,
et subscripti obstinato amicorum decreto; ea tamen lege: vt prius
censurae meum hoc opusculum doctissimi, in republica litteraria mer-
itissimi, et clarissimi viri Domini Leopoldi Scherschnick caef. regii
gymnasii teschinensis Praefecti subiiceretur. Conditio placuit; et ego
libellum meum ad praefatum nunquam satis laudatum virum adnexit
his versiculis transmisi:

Carmina mitto Tibi rugoso parta labore;

Si Tibi displiceant carmina: parce mihi;

Sudantemque tua lauro purgato labore,

Et faciem Musae condere perge senis.

Si quid in his, vt erit, carpendum inuenieris: istud

Expunge, et sensum fac mihi scire Tuum.

Istud amicitiae donum Te spero daturum

Vati: qui nunquam desinet esse Tuus

Sincerus cultor

Ignatius Ekhel.

Dubius ego interea, et spem inter, et metum suspenso animo
auide praestolabar: quid fata de meo libello decreuerint; decreuerunt
autem praeter opinionem meam longe melius: ac ipse sperare po-
tuerim; nam remissum libellum sequentes versus comitati sunt:

Amicorum Integerrime!

Carmina redbo Tibi vatem testata disertum;
Haec si displiceant carmina: Momus ero,
Non hic sudor erat: verum Permessidos humor,
Qui largus Musae tinixerat ora Tuae.
Ergo nihil reperi carpendum, hilarnisque iocanti,
Et seria legi carmina ducta manu.
Rara avis in terris vates nostrate latinus
Aevo: qui condat carmina digna cedro,
Carmina digna typō; nobis vulganda fauebis:
Noscat ut ingenium docta Camoena Tuum.
Maëte animo! latii fugientem sistere linguam
Perge, et in antiquam coge redire viam.
Istud amicitiae donum Te credo deditisse:
Quod nostras aliquid concinis esse nugas.
Quae Tibi rescripti tenui modulatus auena
Oro sit nostrae pignus amicitiae!
Quem Tibi par studium, non par facundia iunxit:
Nunquam, mi vates! desinet esse Tuus

cultor, Tuique amantissimus
Leopoldus Scherschnick
Praefectus.

His inspectis, totaque rei serie persensa, quilibet benevolus
lector reperiet, me non temere, non proprio fretum Marte hoc iter,
sed iudicio grauiorum, et eruditorum virorum ingressum fuisse. Tu
porro

porro Zeile dic aliquid silentio melius: aut tace; nam quidquid dixeris: nihil faciam; nec aliud yngnam ex me audies: quam tritum illud Phanisci dictum:

Non potes tu me cogere: ut tibi maledicam;
Non uit herus me; nam bonis boni sunt:
Improbi, qui malus fuit (*)

Vos vero candidi Romonae Mineruae cultores viuite, et valete!

Teschini cecini in caes. reg. teutonica
principali schola ijsis Kal. Nov. MDCCC.

(*) Mostell. Aet. 4. Sc. I.

Hic quoque sit gratus paruus labor!

Tibullus,



*

*

*

Quo nunc Teschna loco stat: silua erat. • Omnia circum
Quae cernis Cereris munera : silua fuit,
Sola hic pastorum resonabat fistula; nulli hunc,
Praeter siluanos, incoluere locum.
Temporis accessu siluae cessere securi,
Et fuit ex pino rustica facta domus.
Rusticus hic natus, nati genuere nepotes;
Omnibus arrisit commoda forma domus,
Nec mora corripiunt ferras, validasque bipennes,
Et sternunt siluas, efficiuntque domos,
Lignea nunc moles complures aucta per annos
Obtinuit tandem ciuica iura, forum.

= = =

Vt vero hostiles insultus temnere posset:
Moenibus excelsis vrbs noua cincta fuit.
Finitis muris aedem, quae dignior esset
 Consiliis patrum, condere constituunt,
Prima etenim solum de lignis structa fuisse
 Traditur; e petra stet domus ergo noua.
Dictum factum. Intra tempus breue curia firma,
 Et pro communi ciuis honore stetit.
Ast vt maiestas venerandae accederet aedi:
 Eruitur tellus, faxa locantur humi,
Vt turris fieret. Verum quo, nescio, fato
 Haec eadem turris copta resedit humi.
Cuius adhuc hodie, si fundamenta videre
 Quis cupiat: cernere quisque potest.
Ne tamen absque omni staret noua curia cultu,
 Turrigerum e ligno surgit in astra decus.
Huic sunt horarum duo tintinnabula iuncta,
 In proprias aures quas sonuisse scio.
Lignea quam longo durarit tempore moles:
 Haud scio; nam veterum cognita pauca mihi;
At quod eam praesens ceu vilem spreuerit aetas:
 Atque nouam e saxo struxerit: hocce scio.
Sed nondum finis nitido est imposta labori:
 Cum vi flamarum turris et vrbs periit,

= = =

IstIVs eXII genIX InVI sa paVenDI
seXta cheI! MaiI LVX trVCVLenta fVI.
Tempore non longo stetit haec lugubris imago:
Nam vix vnde cies annua lapsa mora est;
Et iam turritam produxit in ardua frontem
Sidera: quae ~~cypria~~ veste decora micat.
At necdum nitidae turri decus omne tributum est:
Summus enim ornatus, fulua corona, deest.
Ergo diem statuit, venerabilis ordo, senatus:
Quo decus accipiat nobile ciuis opus.
Tempus adest, praefixa dies illucet: ab omni
Parte ruunt homines, quisque videre volens;
Compita, tecta, domus, turres, patulaeque fenestrae
Ingenti turbae pondere pressa gemunt.
Nulla senectutis ratio, non morbus acutus,
Non iurata fides, cura, vel officium,
Non iuris doctos, quin nec fatalia litis,
Nec cupidos auri cista repleta vetat;
Quid quid vitalem spirat, vel continet auram:
Ad festum rapitur iam fere mentis inops,
Vtque forum centum stipabant mille quirites:
En subito coelorum atria vasta patent.
Proh Superi! exclamat populus, quae gratia turri! hic
Ipsis coelitus vult sacer esse dies!

Di-

= = =

Dicite: io! paean! tu felix plaudite Teschna!
Et feriat laetus sidera celsa sonus!
Iamque triumphali descendunt ordine diui,
Seque supra turrim sacra caterua locat.
Jupiter in rutila confedit nube serenus,
Quem circumfudit caetera turba deum.
Flatorum interea, tormentorumque boatus
Ingenti applausu pectora cuncta quatit.
Ast et semideis non haec inuisa fuere
Gaudia terribili vertice conspicuis.
Calua senex Lissus (1.) muscoso tempora lauro
Cingit, et accluos mandat adesse patres.
Nec mora comparent Schindelni (2.) Czantora, et Ostri,
Miranturque sui tempora compta senis.
Quae tibi caussa, rogo, nobis indicere coetum,
Insolitoque ornatu hac renitere die?
Dixit Schindelni. Miror te quaerere caussam,
Respondit Lissus fronte serenus ei,
Tympana, flatores, horrenda fauce tonantes
Ballistas, hominum cantica, plectra, sonos,
Non dubium, auditis? Quidni silicernie chare!
Sed, cur sint hodie talia festa, latet.

Hic

(1.) Montium iugi carpathici in Teschinensi prouincia altissimus, calvus

(Lissa) dictus: quod cacumen eius nullis arboribus vestitum esset.

(2.) Nomina editiorum montium eiusdem iugi et prouinciae.

= = =

Hic Lissus: Fratres! oculos tantisper apertos
Vrbi, quam lignans alluit Olfa, (3.) date.
Anne triumphali radiantem vertice molem
Cernitis, et iam iam tangere celsa poli?
Cernimus, alme pater! responderat hospita turba,
Et nitidae molis, forma venusta placet.
Scite ergo socii! molem, quam cernitis, ista
Luce, deum nutu, sacra corona teget.
Et quia festum istud solenniter esse sacrandum
Illustres Teschnae constituere patres:
Haud minus a nobis socialia iura requirunt,
Vt simus comites, participesque rei,
Praecipue sumus, praesens cum Jupiter ipse,
Cunctaque coelorum numina adesse velint.
Ecquid ais? grandaeve pater! vult Jupiter ergo
Cum reliquis festi testis adesse diis?
Vult inquam; nubem, quam supra cernitis vrbem:
Illic consedit cum Jove turba deum.
Proh! immortales superi! quae gratia coeli!
Vix mage quid mirum conditus orbis habet.
Nunc igitur socii! cultus properate laborem:
Vt pateat festi quid mereatur honor.

Ostri

(3.) Fluuius Teschinum alluens, cuius aquis ligna e montibus eo de-
portantur.



Ostri (4.) igitur quercus grandaeuas mille trecentas
Imponit capiti fronde virente suo.

Czantora (5.) praeruptis ornavit tempora saxis,
Et collum niueo vellere texit ouis.

Ast vt et ornatum Schindelni possit habere

Dignum (6.) nec reliquis vilior esse queat:
E mille asseribus galeam construxit, et isto

Turgidus ornatu duxit ad astra caput.

Tollere iamque gradum praegrandia monstra volebant;
Cum pater omnipotens fistere iussit ea.

Non opus est, inquit, propius succedere ad urbem:
Ne populum visus, deficiatque locus;

Eminus ast potius sit vobis maxima cura:

Vt praesens festum congruus ordo regat.

Stabillis ergo loco defixi, vt marmore sculpti,
Et iussum vigili mente tenete meum.

Nempe volo: ne quis faunorum, vel satyrorum
Ista solenni deserat antra die.

Hos igitur vastos in saltus pellere vestræ

Curae erit. Hospitibus non opus hisce puto.

(4.) Ostri mons querubus abundans. (5.) Mons non multo inferior
monte Lifa rupibus, et praegrandibus frustis exesorum faxorum
quasi consitus, nec minus tamen innumeris gregibus ovium paseua
praebens laeta. (6.) Naufragos abies pelagi visura tumultus.
Hic crescit copiosa.



Praeterea astutas vulpes, turbamque luporum,
Vel quid quid rabidum deuia silua tenet:
Omne id solicite clausis seruabitis antris;
Alitibus solis libera iura volo.
Attamen exceptis miluis, rabulisque perofsis,
Quos mala fors de vno semine progenuit.
Intellexistis? cuncta intelleximus. Ergo
Pandite: quam vobis sint sacra iussa Jovis.
Pandemus; verum rabulas non noscimus. Hi sunt
Humani milui, gens inimica diis,
Gens inimica piis, et pestis totius orbis.
Hos igitur sacris semper abesse volo.
Sed iam tempus adest, rauco caua tympana pulsu,
Flator, et aera vocant, igniuomaeque pyrae.
Pompa venit, populus massam concrescit in vnam,
Concretusque mouet se velut vnda maris.
Quilibet esse prior molitur, quilibet ardet
Non vanus pompa testis adesse sacrae.
Praecedunt pompam laeto resonantia pulsu
Tympana, flatores et citharoeda cohors.
Omnis festiuo glomeratur turba tumultu,
Et clamat: Viuat turris amata diis!
Post istos fertur de coelo missa corona
A bis sex senibus, demeritisque viris.

= = =

Purpura celabat diuini corpora doni:
Ne magicum lumen laedere posset ea,
Candidior niue gens, atque insons turba, puellae
Bis duodena sacrum cinxit vtrumque latus.
Has iaculatores (7) cinixerunt ciuica turma,
PRINCIPIS ALBERTI digna fauore phalanx.
Iamque supercilie grauior, mitisque senatus
Progreditur, quem plebs mixta secuta fuit.
Sed quia vix festum celebratur, quo pia turba
Vatum non adsit, publica facta canens:
Hinc isthuc etiam binos legauit Apollo,
Primus spondaeus, daetylus alter erat.
Socordi gressu spondaeus procedebat;
Sed gravitatem illi vultus, & ora dabant.
Post illum saliens propero pede daetylus ibat.
Haec tenus et pompa maximus ordo fuit.
Nunc sequitur turbo puerum, vulgusque profanum;
Ultima de populo faemina clauda fuit.
Vtque ad propositum venit processio punctum,
Et placitum tenuit sacra corona locum:
Conscendit rostrum iuris legumque peritus
Nobilis orator, (8.) sicque locutus erat:

Magna-

(7.) Die Schützengesellschaft. (8.) Syndicus Teschinensis D. Petrus Sporzi.



Magnanimi ciues! et tu venerande senatus!

Et cuncti! quibus hic vult sacer esse locus!

De nobis quid sit meritus, memorabile lumen!

Iste dies: nullum credo, latere potest.

Ecce decus praesens, quod cernitis, aethere natum

Miranda summus condidit arte Deus,

Donavitque suo nato, nostroque parenti

ALBERTO, maius quo nihil orbis habet.

Hic placidus Princeps, tamen et mauortius Heros,

FRANCISCI Pythias, Austriadumque decus,

Munificus nostrae rursus donauerat vrbi,

Turris vt hoc esset munere compta Deum.

Hinc vos fatidici nunquam cessate poetae

Aurea pro tanto condere verba viro:

Vt pateat meritae laudis, famaeque triumphus,

Flammiferi Titan qua regit orbis equos.

Vix haec orator facundus protulit: et iam

Pulsabant centum millia vota polum.

Viuat! io *PRINCEPS ALBERTUS*! viuat! et omni

Floreat *ALBERTI* nomen, honorque plaga.

Haec vbi vota patri teschnensis fida litauit

Turba: deum summus talia fatus erat:

Cerno pium officium vestrum studiumque fidele:

Augustum quo vos itis amare ducem;

= = = = =

Est nobis quoque nota diu clarissima virtus
PRINCIPIS ALBERTI: sicut rata vota, volo,
Quae populus, quae Teschna diis hac luce dicavit;
Et faueant vestro numina cuncta patri!
Vix haec effatus summi dominator olympi:
Iamque triumphalis sustulit astra sonus:
Viuat! io PRINCEPS genitus de sanguine regum,
Sitque diu nostri gloria summa soli!
Viuat, et in columis centenos transigat annos,
Ut senio Teschnae Nestora vincat amor!
Haec ubi vota pius populus, fidusque senatus
Clementi vnamini soluit amore duci:
Orator, quod erat dignum, & memorabile scitu,
Differuit longo; magnificoque modo.
Cumque rei finem facundus fecerat auctor:
Quae retulit, memori tradidit acta globo;
Ut ventura sciat nostri aetas temporis acta,
Aeternosque ferant haec documenta dies
Sed iam sidereas petit inter gaudia turbae,
Flatorumque choros alma corona plagas.
In turri tubicen fulgenti murice comptus
Stabat, et ascensus nuncia signa dabat.
Omnis io! populus clamat, gaudetque videre
Tam facili diuam tendere ad astra gradu.

At-

= = =

Atque ubi fastigium tenuit venerabilis hera:
Saluere hanc summus Jupiter ipse iubet,
Atque manu propria detracto murice turris
Imponit capiti; sicque locutus erat:
Isto firma loco stabis per secula centum;
Tempus edax rerum cuilibet esse patet:
Te tamen hoc tempus nunquam corrodet, et isto
Tuta loco spernes temporis arma feri;
Incolumis stabis nullis obnoxia fatis,
Atque auro rutilans aemula solis eris.
Te nunquam Boreae laedet violentia torui,
Nec vis, aut rabies, ira, furorque Nati;
Sed tua perfaciles zephyri vexilla rotabunt,
Indubiumque ferent temporis indicium.
Et quia conspicui cives, atque inclytus ordo
Nobilium insignes hic posuere domos;
Lampas quas triuiis illustrat pendula noctu; (9.)
Hinc vigiles oculos nocte dieque tene,
Ne quid forte mali tam praestanti accidat vrbi;
Ne picci lemures, ne ebria monstra furant.
Vel si forte vagas nocturno tempore nymphas
Cernes cum faunis coeca tenere loca:

Hos

(9.) Principes plateae vrbis ingruentibus tenebris accensis lampadibus
quotidie illustrantur; id quod indefessio de nostra ciuitate bene
merendi studio D. Syndici Sporzi debemus.

= = =

Hos tu per vigiles, quorum octo semper habebis,
Disiice, conturba, percute, pelle domum.
At si blanda bona^e velit indulgentia matris
Saltu filiolas exhilarare suas,
Haeque domum serpunt iam vix non solis ad ortum:
Has tu carpe quidem, sed tamen ire sine.
Tu vero ignipotens semper Vulcane cauebis:
Vrbem ne hanc vnquam laedere flamma queat.
Sic etiam Neptune volo: ne mugiat vnquam
Istis diluuium, vel cataracta plagis;
Sed placidos imbres Teschnae concede colonis,
Durum qui recreent fructifcentque solum,
At vos grandaevi saltus, nemorumque parentes!
Talia supremi iussa tenete Dei:
Primo furtiuas semper prohibete secures,
Furis et in stolidum saxa vibrate caput.
Vel si forte minus vobis sit idonea dextra:
Furem siluarum fistite praeposito.
Praeterea lepores, cervos damasque fouete,
Nec volucrum vobis desit amoena cohors
Torrida ne vrsorum laedant ieunia lucos,
Nec noceant ovibus, turba cruenta, lupi:
Vestri erit officii vigilare, & prata coloni
Torui ne vastent spumea rostra suis.

De-

= = =

Denique ut arboribus semper montana redundant,

Nec depascantur semina iacta greges :

Quae pro incremento siluarum sedula Ruffi (10.)

Praefecti nemorum crescere cura facit.

Sic volo, sic iubeo, sic praescribo, impero, mando;

Immemorem iussi fulmina mille petent.

Hic montes genibus flexis vouere futura

Omnia: quae summi iussa tulere Dei,

Vos vero ciues! quorum mihi cognita virtus,

Tollite Teschnenses haec documenta Jouis :

Maxima sit vobis semper reuerentia summi

Numinis, & summus religionis amor.

Hac sine nulla queunt felicia regna putari ;

Absque hac in cineres sceptrum, thronique cadunt.

Principibus semper vestris estote fideles ;

Namque sui reges di posuere loco,

Et quia sub placido FRANCISCI viuere sceptro

Austriacas gentes astra tulere bona :

Hinc tantum patrem patriae, qui maxima regum

Norma futurorum totius orbis erit ,

Vos, ut vos ipsos, imo plus matre colatis ,

Et sincera illi corda, fidemque date ;

Et

(10.) Supremus siluarum Dux Teschin. Praefectus D. Ignatius Ruff.

= = =

Et si forte salus patriae capere arma reposcat:
Tota sit in patriae vestra salute salus.
Este Sacerdotii cultores, quos ego vobis
Constitui. Isti sunt fulcra, manusque Deum.
Praeterea ciues concordi viuite mente,
Et legi obsequium, praepositisque date.
At tu Teschna nitens, rutilans, formosa, decora
Munifico *ALBERTO* nata renata patre,
Esto tuo semper, dum viues, digna parente,
Et memori *ALBERTUM* pectore conde Ducem:
Sera vt posteritas venerari nomina tanti
Herois, famam, magnaque facta sciat.
Haec postquam summus diuorum dixerat: ecce
Rursus coelorum ianua aperta patet!
Cumque suis repetit tranquillas fideris arces,
Promissis, dicens stabo. Valete pii!

F I N I S.

CanDIDA, pVLCra, fLVens VeXILLo In tVrre Corona
I. VIIbrIs pVbLICa faGta tIbI est.

Aliud.

ALBERTVs PRINCEPS, Ho VIVat! IVfferat IstVD
I. VIIbrIs sVrgere aD astra DeCVs.

O. A. M. D. G.

